

痘科應用古今方藥集解卷六

句曲俞茂鯤天池集解

孟河於人龍耕烟叅閣

痘科古今方藥不啻百千業是科者未必能購全書而盡讀之卽讀矣未必能盡記憶而良方妙論大半收於金鏡大全兩書學者所當時習茲乃予集解金鏡賦中所應用者得如千方或按仲仁先生或按各前賢所採者略詮大義後之人按賦索方隨宜加減庶不至朦朧曖昧如在雲霧中矣天池鯤謹白

升麻葛根湯一

升麻 八分

葛根 一錢

白芍 酒拌炒 六分

甘草 生用 三分

生薑

引金鏡錄 有葱白

凡一切方藥分兩不可拘定要看見之大小強

弱痘之輕重深淺斟酌用之

如感冒風寒加防風 五分

蘇葉 五分 川芎 四分

○咳嗽痰涎

加牛蒡子

炒至無聲 研細 八分

桔梗 五分

山查肉 去子 一錢

○渴加天花

粉 八分

○身熱甚加元參 一錢

生地 摘碎 一錢

○膈熱加連翹 去心

○大便久閉加大黃 酒炒 八分

○若腰痛腹痛照夾症治法加

減之

此解表發散之方也。表熱壯盛，邪實於表。經曰：辛能達表，輕可去實。用升麻、葛根以疎其表。蓋升麻能解疫毒，升清陽於至陰之下，以助發生之氣。葛根能解肌膚，疎衛氣以導起發之機。甘草佐之以和中氣，芍藥佐之以和榮血。不以預爲收束，根稟必致血熱游散。去其表邪，和其榮衛。風寒自解，痘瘡則出，誠良劑也。雖

至四五日痘中夾疹者，亦宜用之。人謂一見紅點便不可服升麻、葛根者，恐重虛其表也。此爲毒輕痘稀者言，殊不知此方乃發表解毒、疎通氣血、升降陰陽之劑。痘出太密者正宜加減常服，令陷者升之，燥者潤之，鬱者疎之，過者平之，陰精不衰。

而陽毒不亢也。若痘本順症，不須服藥，奚用升麻葛根湯乎。

按史

晉公

於耕烟曰：和在裏之榮血，當用白芍，必須酒炒用。不則恐酸寒伐生性也。見方書中有用赤芍者，赤芍固能發表解熱，然此湯中畢竟以白芍爲是。猶仲景治風寒桂枝湯之用白芍也。一方用赤芍，易爲散，名四味升麻散。若血滯不行，肌表閉密者，亦所宜用。

參蘇飲二

人參

蘇葉

白茯苓

陳皮

桔梗

乾葛

前胡

枳殼炒

半夏

木香

甘草

生薑連皮

此治虛羸痰壅發表安裏之劑也。風寒客於外，故用蘇葛以發表；痰氣壅於內，故用半夏、陳前、桔枳、茯苓以安裏。從來虛弱之人，中氣不足，不能送邪出外，恐邪出之後，中氣更虛，故用人參、甘草急固其虛。木香能行諸氣，氣行則邪無所容，表裏和暢而痘自易出矣。小兒身體壯實，熱甚痰壅者，去人參。

麻黃葛根湯三

此方若用麻黃，可減去羌活。春夏秋三時，只用羌活，不用麻黃。

麻黃

去根節用酒和密拌炒黑色

乾葛

甘草

防風

升麻

荊芥

羌活

牛蒡

炒研

桔梗

蟬脫

去頭足洗淨

此治霜降以後立春以前風寒壅遏無汗惡寒面青足冷發

表鬆肌之方也麻黃發表恐其過甚春夏秋三時減去之此

方水煎加燒人尿

能解疲毒

和服尤妙如有汗惡風去麻黃用桂

枝

升麻

葛根

白芍

防風

甘草名桂枝葛根湯即

此方加麻黃名桂枝葛根合麻黃湯治風寒壅遏大效

水楊湯

四

水楊樹春夏秋用葉冬無葉用小軟嫩枝或用根鬚須五七

觔入水二十觔煎三五沸入盆內將見浴之

三妙湯五
附浴法

紫蘇三兩

荆芥二兩

羌萎乾者一兩
鮮者三兩

水二十觔煎五六沸入

盆內浴之

此二湯乃發痘之神湯也標不見浴之能見發不透浴之即透不灌不胖浴之即灌膿發胖其妙不能盡述予每用之無不應驗蓋能發散清解耳加入煮酒三二觔更妙

浴法

將前藥爲粗片以稀布爲袋將藥入袋內線扎口入鍋內煎

五六沸用三分之二先入盆內審見之大小用盆之大小相稱擇不通風處以冷酒攪入俟涼熱得宜將兒置盆內洗之須用舊淨布兩塊一人兩手護兒前後心再用兩人各洗兩邊關節活動處多洗多浴水涼卽以鍋內餘水用酒壺注之徐徐添下須向盆內四圍澆下免得抱兒上下也水盡方止約一時辰爲率見標時頭面須少洗恐毒氣犯上洗畢用布拭乾入煖被內臥將所當服之藥與服如洗得法更勝子服藥也如小兒力弱氣虧只洗四肢亦妙

厚朴姜汁拌炒一兩

廣皮一兩

甘草炙一兩

蒼朮元米泔水浸切片炒二兩

共為細末量兒之大小症之深淺用散一錢或二三錢白湯

調下或薑棗湯調

傷食加神麴炒

麥芽炒去毛

或加枳實麴皮

拌炒去麴用

濕勝加四苓散

痰多加半夏薑汁拌焙

薑汁

脾倦不思食

加人參

痞悶加枳壳

麴皮拌炒

木香

麴包煨

大便秘結加大黃

酒拌炒

小便赤澀加猪苓澤瀉

傷寒頭痛用葱白豈鼓煎

湯調下

○此足太陰脾足陽明胃二經藥也蒼朮辛烈

故用元米

泔浸以去其烈性

燥濕而強脾厚朴苦溫除濕而散滿

苦降能瀉實滿辛溫能散

濕陳皮辛溫利氣而行痰甘草為中州主藥能補能和若用

蜜炙爲使。泄中有補。務令濕土底於和平也。

按汪訥菴

解熱化斑湯^七

前胡

桔梗

山查

木通

丹參

連翹

去心

黃連

蘆根

知母

紫草

山梔

銀花

荷鼻

荷葉近梗處之蒂

以上分兩各隨經絡見症斟酌多寡用之

此治五臟大熱血凝不化。窠粒不分。脚地不清之症也。斑斑

疹也。痘子一名斑痧。初出一點血。尙未高起。有如斑然。血熱

凝滯。斑點連片不分。故用解熱之味以化之。前胡解肌安表。

桔梗利咽、喉清氣道、能發散、善開提、爲諸藥之舟楫。山查理
滯氣鬱結、木通能開熱閉、丹參清心火、涼心血、連翹除膈熱、
併解六經之火。荷鼻破斑、黃連解心火、銀花解肝火、蘆根解
脾火、知母解腎火、紫草解胃火。山梔解心肝二經火、何以旣
用黃連、銀花而又用山梔者、蓋肝乃木臟、心乃火臟、木能生
火、二臟火獨盛也。倘胃火盛、可加生石膏、恐其胃爛也。血斑
凝結過甚者、少加蘇木以化之。肺臟屬金、本無火症。若他臟
有火逼於肺臟、可加天冬。全要看何臟有火、卽用何藥。或此
臟火盛於他臟、不妨用藥加倍。看何臟無火、其藥則不必用。

若火微藥宜減用然此方非五經血熱火盛不宜輕用

導赤散

入

生地

木通

甘草梢

等分爲散淡竹葉七片煎湯

調下

此清熱利小便之方也。治小便黃赤、口乾、煩熱、驚悸、蓋心與小腸爲表裏、心熱則移熱於小腸、而令便赤。此方生地涼心、火竹葉清心氣、生甘草梢可以瀉熱達陽莖中而止便赤淋痛。佐以木通則直走小腸而入膀胱矣。汪訥菴曰：瀉君火宜木通，瀉相火宜澤瀉。

金鏡錄

方中有人參、麥冬二味，蓋補肺金，則金能生水而水

有源矣。人參必須酌用。又有灯心、七莖，乃清心利便之佳區。
名曰導赤者，導引小腸經丙火、心經丁火之赤，由溺而洩。此
釜底抽薪之義也。古方無參、麥、灯心。

羌活散鬱湯

專治實熱擁盛，鬱遏不得達于肌表，氣粗喘滿，腹脹煩躁，狂
言譫語，睡臥不寧，大小便秘，毛豎面浮，眼張若怒，並有神效。
併風寒外搏，出不快者同治。

羌活

防風

白芷

荆芥

桔梗

川芎

連翹

甘草

地骨皮

牛蒡子

大腹皮

紫草

元

米用

△
△
○

△
△
△

小兒身初發熱及見點之際毒氣壯盛外爲風寒所抑或肌
肉粗厚腠理堅閉毛竅不通經絡阻塞使清氣不得引毒達
表循竅而出則熱毒鬱遏於內故有種種前症果辨認不差
急宜用發表開提之劑佐以和解透肌之法則痘自易出矣
羌防芷有升發解毒之長桔梗有開提勾氣之能荆翹牛蒡
善解鬱熱骨皮消筋骨間壅熱且能肅清臟腑紫草滑肌通
竅腹皮引熱下行川芎引清陽而達表甘草瀉實熱而和中
使內外有所分消用此以治實熱之症效大而功速若驟用

寒涼如苓、連之類。則熱爲寒所抑，不得發越，變生他症。如冰
伏硬閉者，有之。縱不一時大變，逗遛經絡，日後爲癰疽、爲瘡
癰者，有之。至於誤用參、芪、苓、朮溫補之劑，則熱氣擁盛，禍不
旋踵。如誤用丁、桂、薑附之類，是以熱投熱，殺人立見。尤宜戒
慎。故發熱之初，至見點之際，莫過以此方處治。依後加減法
而用之。

附加減法

△△△△△
初發熱之時，身熱壯盛，腮紅面赤，毛焦皮燥，咳嗽喘急者，加
升麻、腹脹喘急、鼻塞面赤若怒、毛直皮枯、冬月加麻黃餘

月加蘇葉、大便秘加當歸枳壳甚劇加大黃、嘔吐加橘

皮猪苓澤瀉禁用丁香木香半夏、大便秘澀加升麻禁用

白朮茯苓苳龍骨等溫藥、喘嗽惡風加蘇葉桑皮、失

血加生地或加犀角黃連、發斑加黃連黃芩山梔、小便

赤澀加滑石山梔生地赤芍、鼻衄加黃芩犀角、驚悸加

木通山梔、搐加青皮、不思食加山查肉、傷食加查肉

神麴麥芽、皮急肉緊身熱壯盛加葛根黃芩、煩紅赤色

加生地丹皮紅花去白芷防風

見點二三日之間出不快利加山查蟬脫各透肌散○見點

三日之後痘瘡出齊血包已成而前症悉平不得復用此方
恐發散太過難於行漿另有方藥以上按翁仲仁先生
於耕烟曰此方較升麻葛根湯尤為包羅穩當

無比散

冰片 一厘

射香 一厘

膩粉

廣牛黃 一厘

硃砂 研細

水飛再研再飛曬
干不見火一錢

共研為極細末一歲兒服一分大兒加服至五分以濕布拭

淨穢猪尾將銀針刺破取出血三兩滴新汲水調和送下此方

牛黃冰片射香有用五分者膩粉
有用二錢者又一方不用膩粉
服散後取下惡毒如爛魚